



Arkivnr: 2015/2143-9

Saksbehandlar: Bjørg Larsen, Tore Andersen, Britt Karen Spjeld

## Saksframlegg

### Saksgang

Utval	Saknr.	Møtedato
Kultur- og ressursutvalet		13.05.2015
Fylkesutvalet		19.05.2015

### Fordeling av fylkeskommunalt investeringstilskot

#### Samandrag

Av Regional Kulturplan for Hordaland (2015-2025) går det fram at Hordaland fylkeskommune støttar utbygging av idrettsanlegg som har regional og nasjonal verdi. Det er løyvd kr 2,5 mill. til investeringstilskot til store og kostnadskrevjande idrettsanlegg, der ein skal arrangere store nasjonale og internasjonale seniormeisterskap.

Det er 4 søkjarar for 2015.

#### Forslag til innstilling

Fylkesutvalet i Hordaland fordeler løyvinga på kr 2,5 mill. i investeringstilskot til idrettsanlegg av regional og nasjonal verdi for 2015 slik:

Askøy kommune	Ravnanger Idrettspark friidrettsanlegg	kr 833 000,-
Bergen kommune	Helleren bad- og symjeanlegg	kr 834 000,-
Bergen kommune	Bergen Tennisklubb	kr 833 000,-
Stord kommune	Stord Hestesportsenter	kr 0

Løyvinga skal først over budsjettpost 10.400.410.09.14700 fylkeskommunalt investeringstilskot.

Rune Haugsdal  
fylkesrådmann

Anna Elisa Tryti  
fylkesdirektør kultur og idrett

*Saksframlegget er godkjent elektronisk og har derfor inga underskrift.*

**Fylkesrådmannen, 21.04.2015**

På fylkesbudsjettet for 2015 og i økonomiplanen 2015-2018 er det ført opp løyvingar til investeringstilskot til idrettsanlegg av regional og nasjonal verdi. Hordaland fylkeskommune sitt investeringstilskot skal medverke til at regionen utviklar kostnadskrevjande idrettsanlegg som har regional og nasjonal verdi, der ein kan arrangere nasjonale og internasjonale meisterskap for seniorar. Ordninga har søknadsfrist 15. mars.

Ordninga med fylkeskommunalt investeringstilskot har eksistert sidan 1993. Fylkesidrettsanlegg og regionale anlegg som tidlegare har fått fylkeskommunalt investeringstilskot til idrettsanlegg i Hordaland er:

<b>Anlegg</b>	<b>Kommune</b>	<b>Totalt tildeling</b>
Askøy seilforening Seglsportsanlegg Hanøytangen	Askøy	3 300 000
Bergen Tennisklubb	Bergen	1 500 000
Brann stadion	Bergen	2 000 000
Friidrettsanlegg Fana stadion	Bergen	2 500 000
Haukelandshallen	Bergen	1 000 000
Helleren Hovedanlegg svømming og stup	Bergen	4 000 000
Klatrevegg Bergenshallen	Bergen	1 700 000
Kunstisbane Slåtthaug	Bergen	2 300 000
Leikvang friidrettshall	Bergen	4 000 000
Motorsportsenter Eikås	Bergen	1 500 000
Vestkangen Curling-/Ishall	Bergen	5 000 000
Vestlandshallen	Bergen	10 000 000
Bømlo Motorsportanlegg	Bømlo	1 100 000
Sotra Arena	Fjell	1 000 000
Hustredalen motorcross	Stord	1 000 000
Stord Hestesportsenter	Stord	800 000
Turnanlegg Vikahaugane	Stord	2 000 000
Vikahaugane isbane	Stord	3 000 000
Sveio golfbane	Sveio	2 000 000
Tysnes Idrettshall	Tysnes	1 000 000
Freestyleanlegg Myrkdalen	Voss	3 300 000
Hoppbakke Bavallen	Voss	350 000
Roanlegg Vangsvatnet	Voss	900 000
Voss Ski- og tursenter Skutle langrenn/skiskytteranlegg	Voss	3 500 000
Skytebane Skjerve/Bjørke	Voss	3 000 000
Snøkanonanlegg Bavallen	Voss	2 500 000
Varmestove Bavallen	Voss	1 000 000
<b>Totalt</b>		<b>65 250 000</b>

Behovet for større idrettsanlegg er stort, og fylkeskommunen gjennom Regional kulturplan for Hordaland legg opp til å støtte utbygging av idrettsanlegg som har regional og nasjonal verdi. Det er løyvd kr 2,5 mill. til investeringstilskot til store og kostnadskevjangende idrettsanlegg, der ein skal arrangere store nasjonale og internasjonale meisterskap for seniorar.

#### **Vilkår for støtte**

Hordaland fylkeskommune føreset tidleg dialog om utvikling av anlegget. Før tilsegn om fylkeskommunalt tilskot vert gjeve, er det ein føresetnad at det ligg føre ein godkjend spelemiddelsøknad og at anlegget er tildelt eit nasjonalt eller internasjonalt meisterskap. Søknad om investeringstilskot skal sendast via kommunen og innehalde skildring av anlegget med finansieringsplan og kostnadsoverslag. Anlegget det vert søkt om støtte til, skal vere forankra i ein kommunal plan for fysisk aktivitet, idrett og friluftsliv. Om anlegget er forankra i ein regional plan, styrkjer dette søknaden. Søknaden skal og innehalde ei vurdering av anlegget sin nasjonale verdi, med uttale frå respektivt særforbund. Om det vert søkt om investeringstilskot til eit anlegg med regional verdi som finst frå før i Hordaland, er det opp til søkjar å skildre kva som skil anlegget i høve til det/dei som eksisterer. Storleik på støtta vert vurdert i høve til godkjend kostnadssum på spelemiddelsøknaden og tilskot frå andre fylkeskommunale støtteordningar.

Hordaland idrettskrets er nytta som høyringsorgan. Ved søknadsfristen 15. mars 2015 var det kome inn 4 søknadar.

#### **Vurdering**

##### **Ravnanger Idrettspark friidrettsanlegg, Askøy kommune**

Ask friidrett er ein av dei største friidrettsklubbane i Hordaland og har dei siste 10 år trent fram mange unge talent på nasjonalt nivå. Dei har og ein unik posisjon med å arrangere store meisterskap. Som ein følgje av det gode arbeidet har Ask friidrett søkt og fått tildelt Norgesmeisterskap for friidrett i 2016. Ask friidrett rettar søkjelyset mot dei ekstra krav som Norges friidrettsforbund stiller til slike arrangement.

Ask friidrett og Askøy kommune har gjort utbetringar på Ravnanger for kr 7 276 000,- dei siste fem år. Godkjende spelemiddel søknadar på kr 1 878 000,-. Askøy kommune søker om fylkeskommunalt investeringstilskot på kr 2 500 000,-.

Fylkesrådmann tilrår å støtte Ravnanger Idrettspark friidrettsanlegg med kr 833 000,-

##### **Helleren - Hovudanlegg for symjing og stup, Bergen kommune**

Bergen kommune og Hordaland Fylkeskommune samarbeidde om prosjektet Amalie Skrams vidaregåande skule med idrettshall saman med nytt hovudanlegg for symjing og stup. Dette er eit anlegg som tek vare på toppidretten sine behov, samstundes som det er eit viktig bidrag til folkehelsearbeidet i Bergen. Bygget vart ferdig hausten 2014, og har status som hovudanlegg for symjing og stup i Noreg. Status som hovudanlegg inneber at anlegget skal tilfredstille det internasjonale symjeforbundet sine lisenskrav til å arrangere internasjonale arrangement for symjing og stup. Norges Svømmeforbund skal fortrinnsvis legge nasjonale og internasjonale arrangement i symjing, stup, undervannsrugby, vannpolo m.m. til Bergen. Bergen Swim festival, ein internasjonal symjekonkurranse, skal årleg arrangerast der frå 2015.

Anlegget har fått tilsegn om kr 32,5 mill. frå Kulturdepartementet sitt anleggspolitiske program. I 2010 løyvde Hordaland fylkeskommune kr 10 mill. til dette anlegget frå fondsmidlar avsett i 2006/2007. I 2012/2013 løyvde Hordaland fylkeskommune kr 2,0 mill. i investeringstilskot og i 2014 vart det løyvd kr 2,0 mill. For 2015 er det 8 spelemiddelsøknadar knytt til anlegget for symjing og stup med ein godkjent søknadssum på kr 43,1 mill. Bergen kommune ber om ny vurdering av investeringstilskot frå Hordaland fylkeskommune, slik at fylkeskommunen sitt samla bidrag til prosjektet vert auka til minimum kr 21,25 mill. Total kostnad på anlegget er kr 1 062 500 000,-.

Fylkesrådmann tilrår å støtte søknad til hovudanlegget for symjing og stup med kr 834 000,- for 2015.

### **Bergen Tennisarena, Bergen kommune**

Bergen Tennisarena vart bygd for å dekke behova både for bredde- og eliteidrett. Bygget vart ferdig hausten 2013. Det er eit av få innandørs tennisanlegg i Norge som kan arrangere dei aller største internasjonale tennisturneringar.

Norges Tennisforbund stadfestar at NM for senior – innandørs er tildelt Paradis Tennisklubb for 2015. Paradis Tennisklubb søker om tilskot på 5 mill.

Fylkesrådmann tilrår å støtte søknad til Bergen Tennisarena med kr 833 000,- for 2015.

### **Stord Hestesportsenter, Stord kommune**

Stord Hestesportsenter er no i full drift på Stord. Senteret har 7 ulike anleggseiningar. Det vil verta det einaste heilårsanlegget i Sunnhordland.

Norges Rytterforbund ser på Stord hestesportsenter som hovudanlegg for Sunnhordland. Norges Rytterforbund uttaler og at anlegget dekker aktivitetsbehovet til mange mindre greiner (islandshest, kjøring mm) og har ved ferdigstilling tilfredsstillande arenaer for å arrangere nasjonale meisterskap i fleire greinar. Det vart søkt om NM i Islandshest for 2015, men vart innstilt som nr 2. For å nå heilt opp ynskjer ein å ferdigstillast anlegget så godt som råd for å styrkja søknadane for 2016.

Total kostnad på anlegget vert kr 25 mill. Det er sendt inn 4 spelemiddel søknader på totalt kr 5,4 mill. Stord Hestesportsenter fekk i 2012 kr 4 mill. i programsatsingsmidlar frå Kulturdepartementet og kr 800 000,- i 2013 i fylkeskommunalt investeringstilskot.

Fylkesrådmann tilrår ikkje å støtte søknaden i 2015, avdi Stord Hestesportsenter ikkje er tildelt store nasjonale eller internasjonale stevner, og det er fleire andre betre søknadar i 2015.